

PM dijadual lawat kawasan terpencil Sarawak
Malaysiakini.com
July 20, 2010

Long Banga, antara kawasan paling terpencil di Sarawak, akan menerima tetamu istimewanya Khamis ini apabila Datuk Seri Najib Razak berkunjung ke situ untuk menemui penduduknya pada satu majlis pemimpin bersama rakyat.

Perdana Menteri juga dijadual merasmikan Jambatan Sungai Puak di Long Banga, satu kawasan dalam daerah Baram yang hanya dapat dihubungi menerusi jalan balak yang mengambil masa lapan jam dari Miri menggunakan kenderaan pacuan empat roda.

Menurut atur cara lawatannya yang dikeluarkan oleh Jabatan Penerangan Sarawak hari ini, Najib akan juga melawat Pekan Bekenu untuk menghadiri satu lagi majlis pemimpin bersama rakyat, diikuti dengan satu program dinamakan "Sentuhan Harapan Petronas" di Stesen Petronas Senadin di bandar Miri.

Pada malamnya Perdana Menteri akan menghadiri satu jamuan bersama rakyat di stadium tertutup Miri sebelum berlepas ke Kuala Lumpur.

- Bernama

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/137797>